

## NYUMBA YA HAKI YA ULIMWENGU

31 OKTOBA 2017

Kwa Wabaha'i wa Ulimwengu

Marafiki wapendwa sana,

Taarifa zinaendelea kububujika kutoka mabara yote, lakini hatutasubiri zaidi kuwasiliana nanyi shangwe yetu isiyo na kiasi. Mmiminiko wa upendo na utukufu kwa Baha'u'lláh ulioshuhudiwa kote ulimwenguni kwenye maadhimisho Yake ya miaka mia mbili yametususimua kwa kiasi kikubwa. Katika makundi ya aina zote, kuanzia majumbani hadi kwenye viwanja vya michezo, maisha Yake yalisherehekeka kwa ibada ya hali ya juu kabisa na ubunifu usio na kifani. Kwenye mikusanyiko mingi, idadi ya wageni ilizidi ile ya Wabaha'i mara kadhaa zaidi; katika mataifa ya visiwa, ushiriki unaweza kupimwa kama uwiano wa wakazi wote. Kwa kweli, tunakiri mshangao wetu wa mafuriko ya rehema Baha'u'lláh alizozimwaga. Na katika kila jitihada ya thamani iliyofanywa kumuenzi Yeye, tunatambua juhudi ya mioyo kunjufu ya kila muumini kufikia fungu kamilifu. Pamoja na yote ambayo yametukia, tunajua kwamba kila mmoja wenu atapenda kutafakari juu ya matokeo kwa ajili ya maendeleo ya Hoja katika maeneo yenu wenyewe. Tunawasihi kuona ndani mwa kila mtu ambaye aliitikia mwaliko wenu uwezo usiodhihirika katika mchakato wa ujenzi wa jumuiya. fikirieni jinsi gani hali zinaweza kutengenezwa ambazo zingewawezesha wengi kutembea katika njia hii kwa pamoja. Ikiunganishwa na nguvu ibadilishayo ya Ufunuo, kila roho inaweza kumkaribia zaidi Baha'u'lláh, kukua kiuwezo, kupata shangwe katika huduma, na kujifunza kuwasaidia wengine. Matokeo ya jitihada adhimu mliyoifanya hutoa ahadi nyingi – lakini kutimiza ahadi hizo kutahitaji ushupavu. Acha/hebu nguvu zilizoachiliwa katika kipindi hiki zito kichocheo kwa jitihada zenu binafsi na za pamoja katika kipindi hiki kilichobakia cha mwaka wa maadhimisho ya miaka mia mbili na, kwa kweli, kwenye duru zote nane hadi kufikia miaka mia mbili ya maadhimisho ya Kuzaliwa kwa Báb. Tukiwa na matarajio yetu yaliyoinuliwa na mioyo yetu ikiomba fadhila takatifu kwa niaba yenu, tunatoa sifa kwa Uzuri wa Kale, tazamo jipya la mara moja la roho Yake iliyovutia utukufu Alioamua kuufichua katika siku hizi.

Imesainiwa na Nyumba ya Haki ya Ulimwengu